

**REGIONAL NEWS UNIT
ALL INDIA RADIO, AGARTALA**

Date:08-11-2024

**Time: 07.35-07.40 AM Hrs
BENGALI MORNING BULLETIN**

CM:

নবগঠিত মিডিয়া এডভাইজরি কমিটির চেয়ারম্যান মুখ্যমন্ত্রী অধ্যাপক ডা: মানিক সাহার সভাপতিত্বে রাজ্য অতিথিসালে গতকাল নবগঠিত মিডিয়া এডভাইজরি কমিটির প্রথম সভা অনুষ্ঠিত হয়। সভায় মিডিয়া এডভাইজরি কমিটির সদস্য রাজ্যের বরিষ্ঠ সম্পাদক ও সাংবাদিকগণ, তথ্য ও সংস্কৃতি দপ্তরের সচিব এবং অধিকর্তা উপস্থিত ছিলেন। সভায় সংবাদ মাধ্যম ও সাংবাদিকদের স্বার্থ সংশ্লিষ্ট বিভিন্ন বিষয় নিয়ে আলোচনা হয়।

সভায় মুখ্যমন্ত্রী অধ্যাপক ডা: মানিক সাহা বলেন, রাজ্য সরকার চায় সংবাদ মাধ্যমের সঙ্গে সরকারের একটা সুদূর সম্পর্ক গড়ে উঠুক। মিডিয়া এডভাইজরি কমিটি গঠন হওয়ার সংবাদ মাধ্যমের প্রতিনিধিদের বিস্তারিতভাবে তাদের নিজস্ব মতামত প্রকাশ করতে পারছেন। সভায় মুখ্যমন্ত্রী সংবাদ মাধ্যমের সঙ্গে নতুন প্রজন্মের যুবক যুবতীদের যুক্ত করার উপর গুরুত্ব আরোপ করেন।

Chat Puja:

ভোরে সূর্য দেবতার উদ্দেশ্যে অর্ঘ্য নিবেদনের মধ্যে দিয়ে ছটপূজা ও উপবাসের আজ সমাপ্তি হচ্ছে। এই উপলক্ষে আজ আগরতলার লক্ষ্মীনারায়ন বাড়ি, রানীরপুকুর, কুড়িপুকুর প্রভৃতি জলাশয়ে প্রচুর পূন্যার্থীর সমাগম হয়। মহিলারা জলে দাঁড়িয়ে সূর্যের উদ্দেশ্যে ফলমূলের অর্ঘ্য নিবেদন করেন। পরিবারের সুখ সমৃদ্ধি ও মঙ্গল কামনা করেন। ধূমধামের সঙ্গে অর্ঘ্য নিবেদন পর্ব অনুষ্ঠিত হয়।

Greetings Chhat Puja :

রাষ্ট্রপতি দ্রৌপদী মুর্মু ছট পূজা উপলক্ষে দেশবাসীকে শুভেচ্ছা জানিয়েছেন। এক বার্তায় তিনি বলেছেন যে ছট পূজা দেশের অন্যতম প্রাচীন উৎসব এবং সূর্য উপাসনার ব্রত। এই উৎসব মানুষের জীবনে আনন্দ নিয়ে আসবে এবং পরিবেশ রক্ষায় মানুষকে উদ্বুদ্ধ করবে বলে তিনি আশা প্রকাশ করেন।

উপ রাষ্ট্রপতি জগদীপ ধনখরও ছট পূজা উপলক্ষে দেশবাসীকে শুভেচ্ছা জানিয়েছেন। সামাজিক মাধ্যমে তিনি এই উৎসব সবার জন্য সমৃদ্ধি এবং আশীর্বাদ বয়ে আনবে বলে কামনা করেন।

ছট উৎসবের তৃতীয় দিনে দেশবাসীকে শুভেচ্ছা জানিয়েছেন প্রধানমন্ত্রী নরেন্দ্র মোদি। সামাজিক মাধ্যমে তিনি বলেছেন যে ছট সন্ধ্যা অর্ঘ্য উৎসব সারল্য, সংযম, সংকল্প এবং উৎসর্গের প্রতীক। তিনি আরও কামনা করেন যে এই উৎসব সবার জীবনে সুখ, সমৃদ্ধি ও সৌভাগ্য বয়ে আনবে।

CM at cultural and food festival:

মুখ্যমন্ত্রী অধ্যাপক ডাঃ মানিক সাহা গতকাল সন্ধ্যায় আগরতলা লেক চৌমুহনীস্থিত এসটি কর্পোরেশন মার্কেটে ত্রিপুরী কালচারেল অ্যান্ড ফুড ফেস্টিভেলের উদ্বোধন করেন। অনুষ্ঠানে মুখ্যমন্ত্রী বলেন, রাজ্যের জনজাতিদের কৃষ্টি ও সাংস্কৃতিক ঐতিহ্য খুবই সমৃদ্ধ। রাজ্যের কৃষ্টি ও সংস্কৃতির ক্ষেত্রে জাতি ও জনজাতিদের মধ্যে অনেক মিল রয়েছে। তিনি আরও বলেন, রাজ্য ও কেন্দ্র সরকার এই সমৃদ্ধ কৃষ্টি ও সংস্কৃতি রক্ষায় আন্তরিকভাবে বিভিন্ন কর্মসূচী রূপায়ন করে চলেছে। মহারানী তুলসীবতী ওয়েলফেয়ার ট্রাষ্ট আয়োজিত এই অনুষ্ঠানে মুখ্যমন্ত্রী আরও বলেন, জনজাতি অধ্যুষিত এলাকার উন্নয়ন ও জনজাতিদের কল্যাণে পরিকাঠামো উন্নয়ন, শিক্ষা, যোগাযোগ ও স্বাস্থ্যক্ষেত্রে বিশেষভাবে জোর

দেওয়া হয়েছে। অনুষ্ঠানে ভাষণ রাখেন জনজাতি কল্যাণ মন্ত্রী বিকাশ দেববর্মা, রাজ্যসভার সাংসদ রাজীব ভট্টাচার্য, বিধায়ক রামপদ জমাতিয়া, উদ্যোক্তা সংগঠনের সভাপতি বিপিন দেববর্মা প্রমুখ।

Ratan Lal Nath:

কৃষিমন্ত্রী রতন লাল নাথ বলেছেন, যে কোনও উৎসবকে কেন্দ্র করেই সামাজিক একতা তৈরী হয়। উৎসব মানেই সকল অংশের মানুষের মেলবন্ধন। সকল অংশের মানুষের স্বার্থেই এই মেলবন্ধনকে আরও সুদৃঢ় করতে হবে। গতকাল মোহনপুর মহকুমা অফিস প্রাঙ্গণে শারদ সন্মান অনুষ্ঠানের উদ্বোধন করে কৃষি ও কৃষক কল্যাণমন্ত্রী রতন লাল নাথ একথা বলেন। তিনি বলেন, রাজ্যের অন্যতম প্রধান উৎসব হচ্ছে দুর্গাপূজা। রাজ্যবাসীর এই আবেগকে সম্মানে ভূষিত করা হয়। তিনি বলেন, এক ত্রিপুরা শ্রেষ্ঠ ত্রিপুরা গঠনে ক্লাবগুলিরও গুরুত্বপূর্ণ ভূমিকা রয়েছে।

অনুষ্ঠানে বক্তব্য রাখেন শিল্প ও বানিজ্য দপ্তরের রাষ্ট্রমন্ত্রী বৃষকেতু দেববর্মা, পশ্চিম ত্রিপুরা জিলা পরিষদের সভাপতি বলাই গোস্বামী, সাংবাদিক সুজিত চক্রবর্তী প্রমুখ।

OROP :

প্রধানমন্ত্রী নরেন্দ্র মোদী ওয়ান র‍্যাঙ্ক ওয়ান পেনশন বা OROP প্রকল্পের দশ বছর পূর্তি উপলক্ষে গতকাল বলেছেন যে এটি আমাদের দেশকে রক্ষা করার জন্য জীবন উৎসর্গকারী প্রবীণ এবং প্রাক্তন সেনা কর্মীদের সাহস এবং আত্মত্যাগের প্রতি শ্রদ্ধাঞ্জলি। 'এক্স'-এ একটি বার্তায় তিনি লিখেছেন যে, ওআরওপি বাস্তবায়নের সিদ্ধান্তটি এই দীর্ঘস্থায়ী দাবিকে সমাধান

করার জন্য এবং আমাদের বীরদের প্রতি আমাদের জাতির কৃতজ্ঞতা পুনর্ব্যক্ত করার একটি গুরুত্বপূর্ণ পদক্ষেপ।

PM:

বিজেপির শীর্ষ নেতা প্রধানমন্ত্রী নরেন্দ্র মোদী আজ মহারাষ্ট্রের এক জনসভায় ভাষণ দেবেন। সামাজিক মাধ্যমে প্রধানমন্ত্রী লিখেছেন তিনি মহারাষ্ট্রের ধুলে এবং নাসিকে জনসাধারণের সঙ্গে মিলিত হওয়ার জন্য অধীর আগ্রহে অপেক্ষা করছেন।

Special Lok Adalat :

রাজ্যের সমস্ত জেলা ও মহকুমা আদালতে আগামীকাল বিশেষ লোক আদালত অনুষ্ঠিত হবে। রাজ্য আইনসেবা কর্তৃপক্ষের সদস্য সচিব ঝুমা দত্ত চৌধুরী গতকাল সাংবাদিকদের জানিয়েছেন, এই লোক আদালতে ১৪ হাজার ২২৩টি মামলা নিষ্পত্তির জন্য তোলা হবে। বিশেষ লোক আদালতের জন্য বিভিন্ন আদালতে ২৪টি বেঞ্চ গঠন করা হয়েছে। এরমধ্যে খোয়াই জেলায় সবচেয়ে বেশি ৫টি বেঞ্চ বসবে।

BSF Press :

বেআইনি অনুপ্রবেশের অভিযোগে বিএসএফ ও পুলিশের যৌথ অভিযানে নয়জন বাংলাদেশি ধরা পড়েছে। বিএসএফের শালবাগান সদর দপ্তর থেকে এক বিবৃতিতে জানানো হয়, আগরতলা রেল পুলিশের সঙ্গে যৌথ অভিযানে জিরানিয়া থেকে ছয়জন বাংলাদেশিকে আটক করা হয়। এছাড়া কৈলাসহর থানাধীন সমরুরপাড় থেকে আরও তিনজন বাংলাদেশিকে আটক করা হয়।

Weather :

আজ দুপুর পর্যন্ত আবহাওয়ার পূর্বাভাসে জানানো হয়, আকাশ সাধারণত পরিষ্কার থাকবে। সকালের দিকে হালকা কুয়াশা ছিল। আজ সকালে আগরতলায় সর্বনিম্ন তাপমাত্রা ছিল ২০.৬ ডিগ্রি সেলসিয়াস। দিনের সর্বোচ্চ তাপমাত্রা থাকবে ৩০ ডিগ্রির কাছাকাছি।
